



साःगु भिंगु मरिचरिया नितिं लुमंका दिसै !
 लक्ष्मण जमाल /चिलिमि
 प्रोप्राइटर
लाखा छै
LAKHA CHHEN
 सोन्हुटे, वडा नं. १६, येँ, फोन नं.: ४५६०७५८

प्रतिनिधिसभाया निर्वाचन न्हयः जेनजी पुस्ताया मतदाता विदेश पलायन

लहना वाःपौ/ फागुन २१ गते जुइगु प्रतिनिधिसभाया निर्वाचन न्हयःने वयाच्वंगु दु । तर जेनजी उम्मेदवारतयूत भोट बीपिं ल्याय्महत धाःसा धमाधम विदेश वनाच्वंगु दु । प्रतिनिधिसभा निर्वाचनय् उम्मेदवार बिउपिं नेतात मतदाताया छैय् छैय् वनाच्वंगु इलय् मतदातात धाःसा धमाधम विदेश वनाच्वंगुलिं यानाः म्हो जक मतदान जुइगु विश्लेषण जुयाच्वंगु दु ।

छुं ज्या मदयेक गबलें गामय् मवनीपिं नेतात नं निर्वाचनया इलय् गामय् थ्यनाच्वंगु दु । तर आपालं मतदाता धाःसा गां त्वःताः शहर केन्द्रित जुयाच्वंगु जक मखुसं विदेशय् पलायन जुयाच्वंगु दु ।

आपालं मतदातात ब्वनेगु नितिं वा ज्या यायेगु नितिं विदेशय् वनाच्वंगुलिं यानाः निर्वाचन परिणाम तकं लिच्वः लाइगु विश्लेषण राजनीतिक वृत्तय् जुइधुंकूगु दु ।

चुनाव न्हयःने वयाच्वंगु इलय् त्रिभुवन विमानस्थलया प्रसथन कक्षय् विदेश वनिपिं ल्याय्महतय् चलह पहल न्हिथं अप्वया वनाच्वंगु दु ।



किपासाभारः दःअन्नपूर्णा एक्सप्रेस

आपालं मतदातातयसं विदेश वनेगु थःपिनिगु बाध्यता जूगु खँ धायेगु यानाच्वंगु दु । निर्वाचनय् मत बीगु थःपिनिगु नैसर्गिक अधिकार

जूसां नं कमे यायेगु नितिं विदेश वनेगु थःपिनिगु बाध्यता जूगु खँ धायेगु यानाच्वंगु दु ।

देशय् अवसर मदयाः हे थःपिं

विदेशय् वनेमाःगु खँ जेनजी पुस्तातयसं धायेगु यानाच्वंगु दु ।

नां मकनेगु सर्त छम्ह जेनजी ल्याय्मह धाल, 'न्हूपिं नेतातयूत मत

बीगु मन दुगु खः । तर बी खनी मखुत । मत बियाः बांलांम्ह नेता त्याकेगु मन दुसां परिस्थितिं विदेशय् वनेमाःगु अवस्था वल । उम्मेदवारत गामय् वयाच्वंगु इलय् जि धाःसा विदेश पाखे वनाच्वना । छु याये मत बियाः छैय् भुतु च्याइगु मखु । नेतातयसं थन हे रोजगार सिर्जना याःगु खःसा थौं थज्याःगु ई मवइगु खइ ।'

विदेशय् वनिपिं आपालं जेनजी पुस्ताया ल्याय्महतयसं थःपिं स्वदेश लिहां वयेगु इलय् थन हे रोजगारीया व्यवस्था जुइगु आशा धाःसा याःगु दु ।

विदेश वनिपिं आपालं जेनजी पुस्ताया ल्याय्महतयसं थःपिं विदेशय् दुसां नं मतदान याये दइगु व्यवस्था दुगु खःसा वास्तविक नेता त्याकेत अपुइ जक मखुसं थःपिनिगु मतया सदुपयोग जुइगु आशा नं प्वंकूगु दु ।

विदेश वनिपिं आपालं जेनजी पुस्ताया ल्याय्महतय् धाःसा छू हे धापू दु, थःपिं स्वदेश लिहां वयेधुंकाः थुकथं निर्वाचनया इलय् विदेश वने म्वालेमा ।

ल्यं ७ पेजय्

खुसिसिथय् अदालतया आदेशयात महानगरं सम्मान याइगु

लहना वाःपौ/ येँ महानगरपालिकाया कार्यवाहक प्रमुख सुनिता डञ्जोलं खुसिसिथय् जवं खवंया लागाय् भवन निर्माणसम्बन्धी मापदण्डया विषयय् सवीच्च अदालतया आदेश व निर्णययात थःपिसं सम्मान यायेगु धयादीगु दु । स्वनिगःया १९ गू 'नदी सङ्घर्ष समिति'या पदाधिकारीपिं नाप आइतवाः नापलायेगु इवलय् वय् कलं अदालतया सम्मान यासं येँ महानगरपालिकां खुसि जवंखवंया लागाय् भवन निर्माणया नितिं रोक्का फुकुवाया सार्वजनिक सुचं जारी यानागु धयादिल । सर्वोच्च अदालतया थ्वहे माघ ४ गते खुसिया जवंखवं लायाय् भवन निर्माणसम्बन्धी मापदण्डया विषयय् जूगु आदेश व येँ महानगरपालिकां याःगु निर्माण रोक्का फुकुवायात कयाः सुभाय् देखायेत वःपिं समितिया पदाधिकारीपिं नाप कार्यवाहक प्रमुख डञ्जोलं थनया बासिन्दायात

विस्थापित यायेगु सिबे नं वय् कःपिनिगु मागया सम्बोधन यानाः न्ह्याः वनेमाःगुलिइ बः बियादिल । वय्कलं खुसिया सिथय् दुपिं स्वनिगःवासी थीथी इलय् अदालतय् वनाः, सतकपाखें, थीथी ज्याकुथिइ वनाः एकता व मंकाः ज्याय् थःगु समस्याया सः थ्वयेका च्वंगुलिं सकसित सुभाय् देखानादिल । 'थनया बसिन्दायात विस्थापित यायेगु मखुसं जायज माग सम्बोधन यानाः न्ह्याः वनेमाः', वय्कलं धयादिल, 'अन्योल व अनिर्णयया इलय् छिकपिं दशुया मंकाः ज्या, समन्वय व एकता मदिकक न्ह्याना च्वंगुयात च्वछानाच्वना । छिकपिनिसं संवेदनशील इलय् क्यनादीगु संयमतायात नापं सुभाय् ।' कार्यवाहक प्रमुख डञ्जोलालिसे नापलाये धुंकाः नदी सरोकार सङ्घर्ष समितिया कजि ऋषि बस्यालं डञ्जोलयात कार्यवाहक प्रमुखया जिम्मेवारी कःघानादीगुलिं भिंतुना देखानादिल ।



NIC ASIA MoBank मा छन् अनेकौं सेवाहरु

आजै NIC ASIA MoBank
download गर्नुहोस्

Google play
App Store

CUSTOMER CARE: 01-5970101 | customercare@nicasiabank.com



नेवाः राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन भीगु लागाय भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय थ्व हे खः ज्यान भी सकस्यां छगु जातितय स्वायत्त राज्यं लुइ कपं च्वय भिलिमिलिं राष्ट्र भःभः धायक न्त्याके भीगु चःतिं भीगु हिं

सम्पादकीय



भ्रष्टाचारय कारबाही प्रक्रिया गज्याःगु ?

टेलिकम नाफा हे न्त्यानाच्वंगु संस्थान खः । थुगु संस्थान सरकारयात यक्व हे कर पुलाच्वंगु खः । अयन थुगु संस्थानय थीथी ज्याखँय मदिकक भ्रष्टाचार जुयाच्वंगु खँ इलय ब्वलय पिहां मवःगु मखु । टेलिकमया अध्यक्ष सञ्चार सचिव जुइगुलि अन दुने भ्रष्टाचार जुइगुलि सिंहदरबार नाप स्वाइगु पक्का खः । थज्याःगु खँ इलय बिचाः मयात धाःसा मेमेगु संस्थान थें सरकारयात आर्थिक भार मलाइ धकाः धायेमफु । छु दिं न्त्यः जक हे नेपाल टेलिकमया बिलिड प्रणाली ठेक्काय स्वार्थया कारणं ल्वापू जूगु खनेदु । ठेक्काय जूगु अनियमितताया खँ पिहांवःगु खःसा सञ्चार मन्त्रालयया सचिव राधिका अर्यालियात माघ २ गते सरुवा याःगु दु । निवर्तमान सञ्चार मन्त्री जगदीश खरेलं बिलिड प्रणाली ठेक्काय खँ ल्हवनाः अर्यालियात सरुवा यानाः निन्दु लिपा हे ठेक्का रद्द यायेगु सूचं पिहांवल । अले जक, खरेलं न राजीनामा बिल ।

चिनियाँ कम्पनी हुवावेउयात ठेक्का बीगु कथं बिलिड प्रणालीया ठेक्का प्रावधान व मापदण्ड तःगुलिइ शंका यायेथाय दु । पूर्वसचिव मणिराम गेलालया नेतृत्वय नीस्वंगु अध्ययन समितिं ४ अर्ब स्वयां अप्वः ठेक्का कानुनं पालना मयागु, स्वार्थ पूर्ति जुइकथं ज्या याःगु, न्हूगु प्रविधियात नाला कायेमफुगु, प्रतिस्पर्धी कम्पनीयात दुमथ्याकूसे स्पेसिफिकेसन तयार याना मिले जुया प्रतिवेदन तयार याःगु पूर्वाग्रह मखु धकाः क्यनेत स्वःगु दु । प्रतिवेदनं कानुनयात पालना मयागु खँ स्पष्ट याःगु दु । लागत अनुमान तसकं अप्वः क्यंगु दु । ३ अर्ब ९८ करोडया लागत स्वया अप्वः ४ अर्ब ३३ करोड थ्यंकूगु दु । प्रावधान व मापदण्ड छगू हे कम्पनी अनुकूल दयेकेगु धइगु नीतिगत भ्रष्टाचार खः । टेलिकममय थज्याःगु भ्रष्टाचारया प्रकरण तकःमछिं हे सार्वजनिक जुइ धुकूगु दु ।

टेलिकम कमिसनय तक्यना च्वंगु दु । राज्यं व्यापार यायेगु कि मयायेगु धइगु सरकार व दल दथुइ थौतक छगू मत मदु । खुल्ला बजार अर्थनीतिइ वनेगु खःसा राज्यं नियमनकारी भूमिकाइ च्वनेमाः । यदि सार्वजनिक संस्थानयात पुनर्संरचना व सञ्चालनय तःधंगु ह्युपाः हये मफुत धाःसा राज्यं यक्व हे आर्थिक बोझ क्वःबी मालेफु । थज्याःगु बेथिति व भ्रष्टाचारय सरुवा यानाः जक कारबाही यायेगु नजिर जुल धाःसा लिपा लिपा नं थज्याःगु ज्या जुयाच्वनी ।

राजनीतिया दबुली न्हूपिं प्याखंम्वःत



डा. विधुप्रकाश कायस्थ

नेपाःया राजनीतिक इतिहासय थथ्याः क्वथ्याः न्हूगु खँ मखु । राणा शासनया अन्त्यनिसें गणतन्त्रया पलिस्था तक नेपाली जनतां अनेक व्यवस्था व अनेक ख्वाःपाः हिलावंगु खंगु दु ।

बिसं २०७९ सालया स्थानीय व आम निर्वाचन लिपा नेपाः राजनीतिया मञ्चय न्हून्हूपिं पात्रत पिहां वयेवं दशकौं न्त्यवनिसें दुबिनाच्वंगु 'सिन्डिकेट' यात संकथन याःगु दु । थौं चिया पसःनिसें बौद्धिक बहस तक छगू हे न्त्यसः न्यनेदइ - थुपिं पात्रत पिहां वःगु धइगु जनताया वास्तविक आक्रोशया लिच्चः खः कि थ्व छुं अदृश्य 'ग्राण्ड डिजाइन' या ब्व खः ? राजनीतिक मञ्चमा न्हूपिं पात्रत

नेपाः राजनीतिया मञ्चय आः अज्याःपिं छुं छुं पात्रत दु, गुम्हेस्यां दृश्य हिलाबिल ।

उकी मध्ये प्रमुख खः : बालेन साह, रवि लामिछाने, हर्क साम्पाड व कुलमान घिसिड ।

१. बालेन साह : महानगरया न्हूगु स्तर

काठमाडौं महानगरया मेयरया रूपय बलेन साहया उदय छगू फिल्मया 'क्लाइमेक्स' स्वयां म्हो मजू । पेशापाखें इन्जिनियर व म्हासीकापाखें च्यापर जुयाच्वंमह बालेनं चुनावया चिं तुतां ज्वनाः राजनीतिक ख्यलय दुहां वःबलय यक्वसिनं वयात 'युवा जोश' जक तायेकल । तर वं स्थापित पार्टीया अनुभवी उम्मेदवारतयत तःधंगु अन्तरं बुकल ।

यैय बालेनं गुगु डोजर व सुशासनया कुतः याःगु दु, उकिं वय कःयात मेयर जक मखु वैकल्पिक राजनीतिया बल्लाःगु स्तम्भ नं दयेका बिउगु दु ।

२. रवि लामिछाने : टेलिभिजनं सत्ताय

'सिधा कुरा जनता संग' ज्याइवःपाखें पीडित पिनिगु सः जुयादीमह रवि लामिछाने चुनाव जुइगु छुं ला न्त्यः जक 'राष्ट्रिय स्वतन्त्र पार्टी' नीस्वंगु खः । घण्टी चिया लहर थुकथं न्यनावन कि दैदिनसें संगठन यानाच्विपिं पार्टीत नं सुम्क च्वनेमाःगु अवस्था वल । रवि लामिछानेया उदय विशेष यानाः शहरी मध्यम वर्ग व युवा पुस्ताया दथुइ न्हूगु आशा ब्वलंकूगु दु । तर वयकःया नागरिकता व राहदानी विवाद व सहकारी ठगी प्रकरणं नं वय कःयात 'विवादास्पद' पात्रया रूपय चित्रण याःगु दु ।

३. हर्क साम्पाड : श्रमया राजनीति लःया मुद्दा ल्हवनाः धरानया सतकय याकःचा न्यासि वःमह हर्क साम्पाडया उदययात दकलय मौलिक

कथं कयातःगु दु । छुं नं कथंया विदेशी लगानी वा ततःधंगु संचार माध्यमया समर्थन मदयेक वयकलं जनतायाके श्रम फवनाः जक ल्हवं ल्हवनेगु शैलीं राजनीतियात 'सम्पदा'पाखें 'श्रम'पाखे यंकूगु दु । यदि मुद्दा पायूछि खःसा साधन व स्रोत साधन गौण जुइ धइगु खँ हर्कया उदय प्रमाणित याःगु दु ।

४. कुलमान घिसिड : सुशासनया प्रतीक

कुलमान घिसिड प्रत्यक्ष रूपं राजनीतिइ दुहां वनेन्त्यः वय कः न्त्याबलें नेपाःया राजनीतिक बहसया केन्द्रविन्दुइ लानाच्वंगु दु । लोडसेडिडया खिउँपाखें देय यात मुक्त याःमह कुलमानं 'प्रणालीइ सुधार यायेफइ' धइगु जीवन्त प्रमाण न्त्यब्वयादीगु खः । वयकःया परिणाममुखी कुतःया कारणं पुलापिं नेतातयत जनताय अफ असन्तुष्टि ब्वलंगु दु ।

'ग्राण्ड डिजाइन'या टिप्पणीः भ्रम कि यथार्थ?

नेपाःया राजनीतिइ गबलें अस्वाभाविक वा द्रुत हिउपाः वल कि 'ग्राण्ड डिजाइन'या चर्चा सुरु जुइ । नेपाःया भूराजनीतिक संवेदनशीलताया कारणं थन जुइगु हरेक उथलपुथलय जःलाखःला देय वा पश्चिमी शक्तिया ल्हाः दइ धइगु आशंका जुयाच्वंगु दु । न्हूगु पात्रतयगु सन्दर्भय थुज्वःगु हे छुं तर्क न्यनेधुकल :

क) नियन्त्रित अस्थिरताया कासा :

गुलिखे विश्लेषकतयसं विगतया तःधंगु शक्ति (कांग्रेस, एमाले, माओवादी) भवा अप्वः 'स्वतन्त्र' जुइत स्वइबलय बाह्य शक्ति उमित समतल यायेत न्हून्हूगु व लोकह्वाःगु ख्वाःपाःत न्त्यःने हइ धकाः तर्क तःगु दु ।

गुलिसिनं पुलांगु पार्टीयात कमजोर यानाः न्हूपिं व 'नियन्त्रित' पात्रत हयाः सत्ताय हयेगु योजनायात 'ग्राण्ड डिजाइन' धकाः धाःगु दु ।

ख) सामाजिक सन्जाल व 'एल्गोरिदम'या छ्यलाबुला :

न्हूपिं पात्रतयगु लोकप्रियताय सामाजिक संजालया तःधंगु ल्हाः दु । थ्व छ्यलाबुला प्राकृतिक खः ला ? वा गुलिखे विदेशी एजेन्सीतयसं 'डाटा' व 'एल्गोरिदम' छ्यलाः विशिष्ट पात्रतयत जक 'हाइट' बिउगु खः ला ? थ्व न्त्यसः आःतक नं लिसः मवःनि ।

ग) विदेशी एजेण्डाया भार :

विशेष यानाः रवि लामिछानेया प्रकरणय वयकःया विरोधीतयसं वय कःयात पश्चिमी शक्तिया 'प्रोजेक्ट' धकाः द्वपं बियाच्वंगु दु । नागरिकता व पासपोर्ट विवादायात थुकिया सतिगु रूपय व्याख्या याइ । तर थुपिं द्वपंया ठोस प्रमाण धाःसा सुनां नं बी फयाच्वंगु मदुनि ।

सार्वजनिक वितृष्णाया वास्तविकता

'ग्राण्ड डिजाइन'या सिद्धान्तयात पलखया नितीं ल्वःमंकेगु खःसा थुपिं पात्रतयगु उदयया मू कारण धइगु जनताया चरम विमोह खः । ३० दै तक पालंपाः शासन याःपिं पार्टीतयसं देय यात विकास व सुशासन बी मफुबलय ब्वलंगु शून्यतायात थुपिं पात्रतसें जायेका बिउगु दु ।

भ्रष्टाचार :

शीर्ष नेतातयगु नां तःधंगु काण्डलिसे स्वानाच्वंगु दु ।

बेरोजगारी :

लखौं युवात मरुभूमिइ ज्या यायेत बाध्य जुयाच्वंगु दु ।

दण्डहीनता :

पहुँच दुपिसं छुं नं कथंया चीजं छुटे जुइगु अवस्था ।

थज्याःगु पृष्ठभूमिइ सुनां नं 'जिं भ्रष्टाचार मयाना' वा 'जिं परिवर्तन हया' धाल कि जनतां मिखा तिसिना विश्वास याइ । थ्व 'डिजाइन' स्वयां नं 'बाध्यता' अप्वः खः ।

हाथ्यात व न्हयःने वनेगु लँपु

न्हूपिं पात्रत पिहां वयेवं आशा ब्वलंगु दु, तर हाथ्या नं दु । कर्मचारीतन्त्र व पुलांगु राजनीतिक संरचनां बालेन व हर्कयात ज्या यायेत सहकार्य यानाच्वंगु मदु थें च्वं । रवि लामिछाने थः हे थीथी कानूनी भन्भटय लानाच्वंगु दु । थुकिं छगू ग्याःचिकु ब्वलंकाः बिउगु दु - पुलांगु फोहर राजनीतिइ थ्व आशाया न्हूगु किरणत नं तना वनी ला ?

राजनीतिइ 'चरित्र' स्वयां नं 'प्रवृत्ति' महत्वपूर्ण जुइ । थुपिं न्हूपिं पात्रतयसं नं न्हापा थें हे गुटबन्दी व अपारदर्शितायात नालाकाल धाःसा इमिगु विरुद्ध मेगु 'विद्रोह' जुइत ताः ई काइ मखु ।

भाद्र २०८२ स नेपालय जूगु 'जेन-जी' विद्रोह छगू उल्लेखनीय टर्निड प्वाइन्ट साबित जुल । थ्व घटना सामाजिक संजालय प्रतिबन्ध तःगु विरोध व युवातयगु स्वाभाविक आक्रोशं शुरु जूगु खः । ल्याय् मह पुस्ताया असन्तोष, बेरोजगारी, भ्रष्टाचारया कारणं इपिं सतकय कुहां वःगु खः ।

शिक्षा व रोजगारीया अवसर मकाःसे विदेश पलायन जुइत बाध्य जुल । थ्व बाहेक सामाजिक संजालय प्रतिबन्ध तःगुलिं डिजिटल स्वतन्त्रताय नं लिच्चः लाःगु खनेदूगु खः ।

तर गुलिखे विश्लेषकतयसं थ्व आन्दोलनयात कयाः 'भय डिजाइन' जूगु शंका प्वंकूगु दु । इमिसं धाइ, 'थुज्वःगु व्यवस्थित व देयन्यंकया आन्दोलन गथे यानाः सम्भव जुल ? पिनेया शक्ति रणनीतिक रूपं अर्केस्ट्रा यानाच्वंगु खः ला ? पुलांगु पार्टीयात कमजोर यानाः न्हूपिं लोकतान्त्रिक नेतातयत प्रोत्साहित यायेगु योजनाया सम्भावना नं चर्चाय वःगु दु ।

सारांशय धायेगु खःसा थ्व विद्रोह युवातयगु पीडाया प्रतिक्रिया जक मखु, छुं शक्तिया रणनीतिक कासा नं जुइफु । थुकिं नेपाःया राजनीतिक परिदृश्यय न्हूगु हाथ्या व अवसर हःगु दु ।

नेपालय जेन-जीया उदय जुयाः सुशासन व पारदर्शिताया माग अफ बल्लाःगु दु । तर थ्व आक्रोश 'प्रवृत्ति' मखु, 'चरित्र' जक हिलेगुलिइ जक सीमित जुल धाःसा थुकिं देययात अफ अस्थिरता व बाह्य हस्तक्षेपया दलदलय थ्यंकेफु । उकिं थौया मू हाथ्या न्हूगु पुस्तां थःगु भावनायात सुयागु 'डिजाइन'या प्यादा जुइके मबिसे राष्ट्रिय हितय निर्देशित यायेगु खः ।

भिन्धः पुजाया इवल्य् एकरूपता हयेगु

थ्वहे वङ्गु नेपाल संवत ११४६
सिल्लाथ्व द्वादशी (माघ १६ गते)
यलय् तःजिक भिन्धः पुजा जुङ्गु जूगु
दु। हौगः भिन्धः पुजा व्यवस्थापन
समिति ३ नम्बर क्षेत्रया संयोजक भाजु
राजु ताम्राकार लिसे भिन्धः पुजायात
कयाः जुयाच्चंगु तयारी बारे यानागु
खँल्हाबल्हा।

❧ भिन्धः पुजाया तयारी
गुकरथं जुयाच्चन ?

भिन्धः पुजा मूल समारोह समिति
दु। उकिया नायः कुलबहादुर चित्रकार
खः। उगु कार्यसमितिइ दुथ्याःगु जुल।
केन्द्रीय कार्यसमितिया बैठकय् हौगः
त्वाःया पाः जूगुलिं दकलय् न्हापा केन्द्र
लिसे सहलह यायेगु ज्या जुल। वयां
लिपा योजना दयेकेगु ज्या जुल। वयां
लिपा बजेटया बारे सहलह जुयाः मजि
मगाःगु खर्च जक स्वयेगु खःसा १५
लाख तका खर्च जुङ्गु खनेदु। न्हापां
१५ लाख बजेट गथे यानाः म्हेयेगु धङ्गु
त्वालय् सहलह जुल। सहलहया इवल्य्
जिगु नायः सुइ कमिटी नीस्वनेगु ज्या
जुल। उगु कमिटी स्वला न्दयव निसें
भिन्धः पुजाया तयारी यानाच्चनागु दु।
थुकिया दथुइ भीसं गनं गनं आर्थिक प्रोत
चूलाके फइ धकाः बिचाः यायेधुंकाः
नापं लाःगु स्वंगू वडा दु, १२, १६ व १९
नम्बर वडाया अध्यक्षत लिसे नापलानाः
खँ ल्हायेगु इवल्य् १६ वडां २ लाख
बजेट ह्याउंगु किताबय् तयाबिल। १९
वडाय् नं बजेटय् खुले मयाः तर वय्
कःपिसं नं २ लाख तका बीगु खँ जूगु
दु। १२ वडा ध्यबा क्वःमछिउनि। खँ
जुयाच्चंगु दु। सम्भवतः अनं नं २ लाख
तका ध्यबा वङ्गु जुइ। थौं तकया ल्याखँ
थ्यंमथ्यं १५ लाख तका ध्यबा म्हेयेफइगु
जूगु दु। प्रदेश सरकारं नं न्हापाखुसी २
लाख तका बजेट बी धकाः मुख्यमन्त्री
इन्द्र बानियाँ जिं धयादीगु दु। ध्यबाया
समस्या समाधान जुइधुंकेल धाःसा मेता
धङ्गु मूल कमिटी भीत निमुरी बजि व
स्याबजिया समेब्वः छायेगु खँ जूगु दु।
उकिया निती न्हयगू त्वाः दुथ्याकाः छगू
टिम दयेक्यु दु। हरेक त्वाल्य् छम्ह छम्ह
उपसंयोजक दयेकाः वय्कःपित जिम्मा
बियागु जुल। थुकी हौगः त्वाःया पाखे
बजि व स्याबजि यानाः निमुरि तयेगु।
इबा ननि व चाःबहाः मकाः खलः
महर्जन समुदायया स्वंगू त्वाः दु थन
वय्कःपिं जानाः बजि तयेगु खँ जुल।
चक्रबहिली त्वाः व नःबहाः त्वालं न्यागू
किलो छवयेला छगू ब्वय् तयेगु। इता
छँ आलु तयेगु, कुता इवःछँ पालु तयेगु,
तंगः त्वाः च्वये नं भुति तयेगु, पुं समुदायं
वाउँचा, वः व मुस्या तयेगु, राजकर्णिकार
समुदायं मरि तयेगु कथं जिम्मा बीगु कथं
द्यःयात छाईपिं मनुत नं मिले यायेधुनागु
दु। थुकथं स्वयेगु खःसा तयारी बांलाक
हे जुयाच्चंगु दु।

❧ थुकिया निती गुथि दु कि
छगू विस्कं संस्था दु ?

भिन्धः पुजा न्हापां निसें दुगु
मखु। भिन्धः व्यापारीतय् निती इष्ट
देवता जुल। व्यापारीतय् आराध्य
द्यः जुल। थनिं न्यय्दँ न्हयः भिन्धः
पुजाया परिकल्पना यानाः थ्व पुजा
न्ध्याःगु खः। तर भिन्धः जात्रा धाःसा
तःदँ न्हयवनिसें न्ह्याना वयाच्चंगु
खः। भिन्धःयात भीसं भिं एकादशी



राजु ताम्राकार “तमो”
नायः, हौगः भिन्धः पुजा नगर परिक्रमा
व्यवस्थापन समिति क्षेत्र नम्बर ३

कुन्हु भिन्धः अपसं च्वनिगु जुयाः
कन्हय् कुन्हु पालं याकेगु कथं न्यय्
दँ न्हयवनिसें भिन्धः पुजा यायेगु ज्या
न्ध्याकूगु खः। स्वनिगःया नेवाःतय्सं
अर्मुत सम्पदाया रुपय् जात्रा पर्व नखः
चखः भीगु तजिलालि म्वाका तयेगु
ज्या याना वयाच्चंगु खः। न्हापा न्हापा
देगः हे सुयाके ध्यबा मकासे थःथःपिसं
दयेकेगु याना वयाच्चंगु खः। तर
थौं कन्हय् मेपिके ग्वाहालि मकासे छुं
हे ज्या चले मजू। न्यय्दँ न्हयवनिसें
भिन्धः पुजा न्ध्याकेगु धङ्गु नं चीधंगु
ज्या मखु। हौगः त्वाःया अग्रजपिसं
न्यय्दँ न्हयः भिन्धः पुजा न्ध्याका
वंगु जुयाः न्ध्याबले हौगः त्वालं पाः
फयाच्चने माःगु जुल। थथे न्ध्याबले
हौगः त्वालं यायेबलय् छगू हे पसलय्
दँयदसं चन्दा म्हो वनेमाःगु जुल। वहे
मनुखं बाजा थाः वनेगु जुल। वहे
मनुखं पुजा व्यवस्थापन यायेमाःगु
जुयाः थनिं भिनिदँ न्हयः भिन्धः पुजा
याये फइमखुत। अथे जुयाः क्षमा
पुजा यानाः भिन्धः पुजा दिकेगु निर्णय
याःगु खः। भिन्धः पुजा दिकेगु खँ जिं
लि। उगु इलय् बुद्धिराज वज्राचार्यया
अध्यक्षताय् नीस्वनातःगु ललितपुर
विकास समाजय् जि कोषाध्यक्ष
जुयाच्चनागु जुल। जिं भिन्धः पुजा
दिकेगु निर्णय याःगु खँ सीधुंकाः जिं
बुद्धिराज वज्राचार्यया थाय् वनाः
भिन्धः बन्द यायेगु धकाः निर्णय यात।
उकियात जिं दिकाः वयाः। जितः
एकल संयोजक यानाः जितः अधिकार
बिउ धकाः धयाःबलय् वय्कलं जितः
अधिकार बियादिल। वयां लिपा
जिं गुलि नं भिन्धः दुगु त्वाः खः व
फुकासित पौ च्वयाः सहलह ब्याका।
सहलह ब्याकेगु इवल्य् न्हापा भदौ
महिनाय् भिन्धः पुजा यायेगु यानाच्चंगु
खःसा भिन्धःयात माने यायेगु खःसा
माघय् लाइगु भिं एकादशी बांलाःगु
निहं खः उकिया कन्हय् कुन्हु पालं
याकेगु ल्याखं थन प्यम्ह मू भिन्धः दु।
मंगः भिन्धः, भिन्धः लाछि भिन्धः,
नुगः भिन्धः व छाःबहाः भिन्धःया
प्रतिनिधिपिसं थथे यायेगु खःसा
दक्वस्यां पाः कायेगु क्वःछित। वयां

लिपा भिनिदँ तक निरन्तर माघं भिन्धः
पुजा यायेगु ज्या जुयाच्चंगु दु। हौगः
त्वाः क्षेत्र नम्बर ३ य् लाः। भीसं
२०७२ सालय् छक्कः पाः कयागु खः।
भिदँ लिपा छकः छकः पाः वङ्गु जुयाः
आः भिन्धः पुजा दीगु अवस्था मदु।

❧ छिं ३ नम्बर क्षेत्र धयादिल
थ्व नम्बर धयागु गुकरथं खः ?

० २०७० सालं भीसं माघं
भिन्धः पुजा यायेगु ज्या न्ध्याकूगु खः।
शुन्य सालय् शुरु जूगु जुयाः क्षेत्र नम्बर
१ भिन्धः लाछि पाः फःगु जुल। अनं
क्षेत्र नम्बर २ धकाः नुगः त्वाःया पाः
जुल। क्षेत्र नम्बर ३ हौगः त्वाः जुल।
क्षेत्र नम्बर ४ धकाः भीसं क्वान्तियात
बीगु। अथेतुं भिगू त्वाः थुकी दुथ्याः।

❧ पुजाया निती गुलि जनशक्ति
माः ?

भिन्धः पुजाया इवल्य्
एकरूपता हयेगु छगू न्हूगु सोच नं
दुथ्याःगु जुल। न्हापा न्हापा फुम्हेस्यां
फछि हे छाइगु जुल। मफुम्हेस्यां
निमना जक नं छाइगु जुल। तर आः
वयाः मूल कमिटी थुलि छायेगु धकाः
निर्णय याःगुलिं यानाः। बजि छायेगुलिं
निमना निमना जक छायेकेगु व्यवस्था
यानागु जुल। निमना बजि छायेकेगु

भिन्धः पुजा न्हापां निसें दुगु मखु। भिन्धः
व्यापारीतय् निती इष्ट देवता जुल। व्यापारीतय्
आराध्य द्यः जुल। थनिं न्यय्दँ न्हयः भिन्धः
पुजाया परिकल्पना यानाः थ्व पुजा न्ह्याःगु
खः। तर भिन्धः जात्रा धाःसा तःदँ न्हयवनिसें
न्ह्याना वयाच्चंगु खः।

निती भीसं १५० म्ह मनुया व्यवस्था
यानागु दु। उकथं छवयेला छाईपिं ८०
म्हया व्यवस्था यानातयागु दु। उकथं
हे थीथी घासा छायेगु इवल्य् खुसः
ति मनु मालीगु जूगुलिं उलि मनु भीसं
व्यवस्थापन यानातये धुनागु दु।

❧ छिकपिसं भिन्धः पुजाया
आह्वान यानादिल। सुनां नं जि नं
पुजाय् वये धकाः धाल धाःसा ध्यबा
पुलेमाःगु छुं व्यवस्था दु कि ?

० पुजाय् वङ्गुपिसं उकथं ध्यबा
पुलेम्वाः। ६ सय म्हेस्यां गुगु छाय् माःगु
लगत खः वय्कःपिसं थःगु भाला कथं
ज्या याइ। पिने वङ्गुपिसं थःगु गच्छे कथं
छाये फइ। भिन्धः पुजाया इवल्य् २६
ब्व छायेमाः। मूल कमिटी भिन्धःया
लगत कायेगु इवल्य् न्हापा ३२ म्ह
भिन्धः दुगु खः। न्हापा व्यक्तिया छँय्
दुगु भिन्धःयात नं कयातःगु खः। न्हू
कथं भिन्धः पुजा सुरु यायेगु इवल्य्
जिपिं थःपिसं अनुगमन यायेगु इवल्य्
मुक्कां २२ सार्वजनिक भिन्धः दुगु
जिमिसं खना। वहे कथं २२ म्ह
भिन्धःया २२ ब्व जुल। अनं पाः
फइथाय् नासः द्यः दइ। गणेद्यः दइ।
पाब्व लःल्हायेगु यानाः मुक्कं २६ ब्व
छायेमाः।

❧ नीनिम्ह भिन्धः पुजा यायेत
गुलि ई काइ ?

भिन्धः पुजा यायेगु निती छगू
धार्मिक रुट दु। उगु रुटयात सापारु रुट
धाइ। उगु हे रुटय् दुपिं भिन्धःयात हे
भीसं पुजा यायेगु खः। थुकथं नीखुम्ह
भिन्धः पुजा यायेबलय् प्यधौं निसें
प्यधौंत्या तक ई काइ।

❧ भिन्धः पुजा बारे थुगु
पत्रिका मार्फत छुं धयादी कि ?

० भी नेवाःतय्सं थुइके माःगु
खँ छु धायेबलय् भी थनया आदिवासी
खः। तर थीथी कालय् नेवाःतय् जूगु


दमनया कारणं यानाः स्वनिगःया नेवाः
पिने वनाः च्वनेमाःगु अवस्था वल।
थःपिं स्वनिगलं पिहां वनेमाःसां नं थःगु
संस्कृतियात नं नापं यंकेगु यानाच्चंगु
दु। भीसं स्वनिगः पिने नं गणेद्यः व
भिन्धः खनाच्चना। उकथं हे थीथी
थासय् भिन्धः पुजा व भिन्धः जात्रा नं
जुयाच्चंगु दु। स्वनिगलय् आः नेवाःत
म्हो जुयाः वनाच्चंगु दु। तर भीसं छुं खँ
थुइकेमाः धाःसा भी पुर्खातय्सं गुलि
नं सम्पदा दु उकियात भीसं संरक्षण
यायेमाः। थथे संरक्षण यायेगु इवल्य्
मत्याः न्ह्यानाच्चंगु दु, कृष्ण पुजा
न्ह्यानाच्चंगु दु, दशमहाविद्या पुजा
न्ह्यानाच्चंगु दु, बालकुमारी पुजा चले
जुयाच्चंगु दु, गणेश पुजा न्ह्यानाच्चंगु दु,
उकिया लिसे लिसे भीसं भिन्धः पुजा
नं न्ह्याकाच्चनागु दु। मेता खँ धङ्गु
थ्व भिन्धः पुजा धङ्गु क्षेत्र नम्बर हौगः
त्वाःया पाः धकाः जःखः च्वीपनिगु
जक मधासैं यलया नापनापं च्वंगु न्हय्
गां धाइ। न्हापां अनं नं मनुत ब्वति
कायेगु यानाच्चंगु खः। उकथं हे थिमि,
ख्वप, किपुलिं नं न्हापा न्हापा ब्वति
कायेगु यानाच्चंगु खःसा थौं कन्हय्
धाःसा प्रचार मगाःगुलिं खःला म्हो
जुयाच्चंगु दु। अथे जुयाः थीथी सञ्चार
माध्यमं मूर्त अमूर्त सम्पदा प्रचार प्रसार
यायेगुलिं ग्वाहालि यायेमाः। लिसें
भिन्धः पुजा क्वचायेधुंकाः लछि लिपा
भीसं भिन्धःया बारे स्मारिका पिकायेगु
ग्वसाः नं दयेकातयागु दु। थुगु स्मारिकाय्
भिन्धःया बारे जानकारी दुपिसं ज्ञानवर्धक
अनुसन्धानमूलक च्वसु च्वयाः ग्वाहालि
यायेत नं इनाप यानाच्चना। भिन्धःया
बारे भीके आधिकारिक दस्तावेज मदु।
गुकिं यानाः न्हू पुस्तां छुं सियाच्चंगु मदु।
न्हू पुस्तायात जानकारी बीगुया लिसें छगू
दस्तावेज तयार यायेगु कथं स्मारिका
पिकायेगु ग्वसाः ग्वयागु खः।




हृदना

२०२२ माघ १३ मंगलवा:

शालिनदी दर्शनया निंतिं श्यापिं भक्तजनपिं





सलमान खानयात एआई नं मुद्दा तल



एजेन्सी/ दिल्ली उच्च अदालत बलिउड अभिनेता सलमान खानयात सुचं जारी याःगु दु। चिनियाँ कृत्रिम बुद्धिमत्ता (एआई)या 'भ्वाइस-जेनेरेसन' कम्पनी दर्ता याःगु निवेदन लिपा सलमानयात उगु सुचं छ

खः। आः चिनियाँ कम्पनी अदालतया थ्व हे आदेशयात हाथ्या बियाः मुद्दा तयेवं सलमानयात सुचं छवयाः लिसं फ्वंगु खः। दिल्ली उच्च अदालत सलमान खानया 'व्यक्तित्व अधिकार' संरक्षण यायेत २०२५ डिसेम्बर ११ य अन्तरिम आदेश जारी याःगु खः।

थ्व स्वयां न्हयः अदालत सलमानया अनुमति मकासे वयागु नां, किपा, सः, उपमा व वयागु म्हासीकालिसे स्वापू दुगु छुं नं खं छ यले मदइ कथं अन्तरिम आदेश जारी याःगु खः।

अदालत उगु प्रतिबन्ध डिजिटल मिडिया (इन्टरनेट, एप्स) व व्यावसायिक निगुलिं प्रयोजनय् प्रतिबन्ध लागू याःगु खः।

संक्षेपय् धायेगु खःसा अदालत सलमान खानया म्हासीका छ्यलाः ध्यबा कमायेगु वा थःगु प्रचार यायेत छुं नं कम्पनी वा व्यक्तियात प्रतिबन्ध तःगु खः, गुकियात आः चिनियाँ एआई कम्पनी हाथ्या बिया वयाच्चंगु दु। आः मुद्दा तयाच्चंगु चिनियाँ कम्पनी अदालतय् थःगु तर्क न्हयब्वसें धाःगु दु, अदालत प्रतिबन्ध थःगु व्यवसायय् तःधंगु लिच्चः लाकी, छायाःसा थःगु मू ज्या एआई छ्यला 'भ्वाइस मोडल' (थीथी सः) दयेकेगु खः।

थ्व स्वयां न्हयः अदालत सलमानया अनुमति मकासे वयागु व्यक्तित्व अधिकार सम्बन्धी अन्तरिम आदेश जारी यानाः सलमानया नां, किपा वा सः छ्यलेगु निषेध याःगु

पप स्टार बियोन्से अर्बपति घोषणा

एजेन्सी/ पप स्टार बियोन्से आधिकारिक रुपं अर्बपति घोषणा जूगु दु। अमेरिकाया वित्तीय पत्रिका फोर्ब्स विश्वप्रसिद्ध म्ये हालामियात उगु धलखय् दुध्याकेगु घोषणा याःगु खः। अर्बपतिया धलखय् दुध्याःम्ह बियोन्से न्याम्हम्ह संगीतकःमि खः। वया भाःत व हिपहप स्टार जे-जेड नं २०१९ य अरबपतिया धलखय् दुध्याये धुंक्नु दु। थ्व धलखय् दुध्याःपिं मेपिं संगीतकारत रिहाना, ब्रुस स्प्रिंगस्टीन व टेलर स्विफ्ट खः।

बियोन्सेया सम्पत्ति २ अर्ब ५० करोड डलर दुगु खं धाःगु दु। फोर्ब्स बियोन्सेया सम्पत्ति ८० करोड डलर दुगु अनुमान यासें दैदया सफलता लिपा न्हापांखुसी अरबपतिया धलखय् लाइगु अनुमान याःगु खः। सन् २०२३ य रेनेसेन्स नांया विश्व भ्रमण थ्यंमथ्यं ६० करोड डलर आमदानी जुइगु अनुमान याःगु दुसा थुकियात टेलर स्विफ्टलिसे विश्वया दकलय् तःधंगु पप संगीत आइकन मध्ये छम्ह दयेकूगु दु।



बियोन्से कन्सर्ट प्रदर्शनया बारे छगू संकिपा दयेकल, गुगु ७ दैया दुने वयागु न्हापांगु एकल भ्रमण खः, व एएमसी थिएटर चेर्निलसेया सम्भौतापाखें प्रत्यक्ष रुपं वितरण यात, गुकिं वयात संकिपाया विश्वव्यापी बक्स अफिसया ४ करोड ४० लाख डलरया थ्यंमथ्यं बच्चि आमदानी

जुल। फोर्ब्सया अनुमान कथं वयागु काउन्डाई कार्टर भ्रमणया टिकट ४० करोड डलर स्वयां अप्वः व ५ करोड डलर स्वयां अप्वः सामान बिक्री जूगु खः। ब्लुमबर्ग थःगु अरबपतिया धलखय् म्ये हालामि सेलेना गोमेजयात नं दुध्याकूगु दु, तर फोर्ब्स थ्व ल्याःयात स्वीकार याःगु खनेमदु।

ट्रम्पया प्रतिबन्ध अन्तर्राष्ट्रिय कलाकारतय् समस्या



एजेन्सी/ ट्रम्प प्रशासन न्हूगु यात्राय् प्रतिबन्ध तःगुलिं अन्तर्राष्ट्रिय कलाकारतय्गु यात्रा रद्द यायेमाःगु दु। अमेरिका भिसा प्रक्रिया कडा याःगुलिं अमेरिका भ्रमण यायेगु क्वजिइ जुइ धुंक्नुपिं आपालं अन्तर्राष्ट्रिय कलाकार, ब्याण्ड व रंगमञ्च पुचःत भ्रमण रद्द यायेत बाध्य जूगु दु।

थुकी लोकहवाःपि अफ्रिकी गिटार ब्याण्ड तिनारिबेन नं दुध्याः। ब्याण्ड आःया परिस्थितिइ अमेरिका भ्रमण यायेगु पूर्ण रुपं निराशाजनक जूगु धाःगु दु। आः अमेरिकाया सरकार राष्ट्रिय सुरक्षाया कारण क्युबा, हाइटी, नाइजर, लाओस, सियरा लियोन, सिरिया थेंज्याःगु देसय् पूर्ण रुपं प्रतिबन्ध तःगु दु।

अथे हे अमेरिकाया नागरिकता व आप्रवासन सेवां लागू याःगु न्हूगु नियम अन्तर्राष्ट्रिय कलाकारतय् तःधंगु धक्का लाःगु दु। नियम कथं

प्रशासनया 'उच्च जोखिम' धलखय् लाःगु ४० गू देय् मध्ये छगू देय् कलाकारया जन्म जूगु खःसा उमिगु भिसा प्रक्रिया अवरुद्ध जुइ, उमिके मेगु देशया नागरिकता दुसा नं अमेरिकाय् दुहां वने दइ मखु।

न्हूगु नियम कथं बेलायती रंगमञ्च पुचःयात 'क्वारेन्टाइनय्' तःगु दु। न्यूयोर्कय् जुइगु 'अन्डर द राडार फेस्टिभल'य् ब्वति कायेत्यंगु उगु पुचःया निम्ह दुजः नाइजेरियाय् जन्म जूगुलिं भिसा मब्युगु खः। इमिगु भिसा रद्द जुइवं आयोजकतय् १ लख ५० हजार डलर स्वयां अप्वः खर्च जूगु दु। भिसा प्रक्रियाया शुल्क तसकं अप्वःगुलिं गुलिखे कलाकारत नं अमेरिका दुहां वने मफयाच्चंगु दु।

यदि थ्व हे अवस्था जुयाच्चन धाःसा अमेरिकाया सांस्कृतिक विविधता व प्रदर्शन कलाया बजारय् तःधंगु लिच्चः लाइगु खं धाःगु दु।

जो सल्दाना अप्वः कमे याःम्ह अभिनेत्री

एजेन्सी/ जो सल्दाना हलिउडया दकलय् अप्वः कमे याम्ह अभिनेत्री जूगु दु। जेम्स क्यामरुनया संकिपा 'अवतार : फायर एण्ड एशेज'या सफलताया कारण वय्कलं थ्व उपलब्धि अर्नाल व २०२२ य 'अवतार : द हासिल यानादीगु खः। थुकिं यानाः वे अफ वाटर'य् हानं भूमिका म्हितल। वं स्कारलेट जोहानसनयात लिउने स्क्रिन रान्तया कथं सल्दानां मार्शल लाकाः न्हूगु कीर्तिमान तःगु खः।

क्यामरुनया 'अवतार' ब्रम्हाण्डय् सल्दानां मू भूमिका म्हितागु खः। नकतिनि पिदंगु 'अवतार ३'या सफलतां वं बक्स अफिसय् थ्व कीर्तिमान तःगु खः। थ्व संकिपा नं हलिन्यंक १ अर्ब २३ करोड अमेरिकी डलर आमदानी याःगु खः। सन् २०० ९ य रिलिज जूगु 'अवतार' संकिपाय् सल्दानां नेयतिरीया भूमिका म्हितुगु खःसा थ्व संकिपा दकलय् अप्वः कमाइ याःगु संकिपा खः।

सिनेमेटिक युनिभर्सया सहकलाकार स्कारलेट जोहानसनयात लिउने लाकाः बक्स अफिसय् १६ अर्ब ८० करोड डलर स्वयां अप्वः आमदानी याःगु दुसा जुरासिक वर्ल्ड : रिबर्थ रिलिज जुइधुंकाः वयागु न्हापाया १६ अर्ब ४० करोड डलरया कीर्तिमानयात लिउने लाकूगु दु। शीर्ष प्यम्हय् लाःपिं कलाकारत जोय व स्कारलेटया मार्शल सिनेमेटिक युनिभर्सया सहकलाकार सैमुअल एल ज्याक्सन, रोबर्ट डाउनी जुनियर व क्रिस प्याट खः।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

हरेक मंगलवाः
राष्ट्रियताको लागि समर्पित



मेरो साप्ताहिक

मन्त्र साप्ताहिक

Mero Saptahik

माला: माला: ब्वनादिसँ।

क्यानेडियन नेवा: गुथिइ पदभार लःल्हात



लहना वाःपौ / क्यानाडाया ब्राम्प्टन सहरय् च्चिपिं नेवाःतय् संस्था क्यानेडियन नेवाः गुथि न्हूगु ज्यासना पुचःयात पदभार लःल्हाःगु जूगु दु। ब्राम्प्टनय् च्चंगु एभरेष्ट शितोरियो कराते प्रशिक्षण केन्द्रय् जूगु ज्याइवल्य् गुथिया पुलांगु ज्यासना पुचलं न्हू निर्वाचित ज्यासना पुचःयात पदभार लःल्हाःगु खः। गुथि न्हू निर्वाचित ज्यासना पुचःया न्वकु सुरेन्द्रलाल श्रेष्ठ लसकुस यासें न्ह्याःगु ज्याइवल्य् सन् २००५ य् नीस्वंगु गुथिं क्यानाडाय् नेवाः व नेपाःया कला, संस्कृति संवर्द्धन, प्रवर्द्धन व प्रचारया नितीं ज्या यानावयाच्चंगु जानकारी बियादिल।

न्हू निर्वाचित जनसम्पर्क कजि नविन श्रेष्ठ ज्याइवःया बारे जानकारी

बियादीगु खःसा संस्थापक नायः प्रकाशलाल प्रधानं न्हू निर्वाचित ज्या पुचःयात भिंतुना देछानादीगु खः। अथे हे गुथिया निवर्तमान मूख्याज्जे डा. प्रज्वल प्रधानं न्हूगु ज्यासना पुचःयात भिंतुना बिसे थःगु कार्यकालय् जूगु ज्याइवः व थःपिसं यानागु ज्याया अनुभव कनादीगु खः।

ज्याइवल्य् न्हूगु ज्यासना पुचःयात पदभार लःल्हासें निवर्तमान नायः उत्तम माकःजुं नेवाः कला, संस्कृति, भाषा, म्हसीका संरक्षण व संवर्द्धन यायेगु नितीं थःपिसं सः-सिउगु शीप, ज्ञान न्हू पुस्तायात लःल्हाना वनेमाःगु बिचाः प्वकादीगु खः। लिसें वय्कलं सकसिगु ग्वाहालि व एक्यवद्धतां गुथियात अफ सशक्त

व सुदृढ यानाः यंकेत न्हूगु ज्यासना पुचःयात सुभावनं बियादीगु खः।

गुथिया न्हू निर्वाचित ज्यासना पुचःया नायः विमलमान श्रेष्ठ नेवाः भाय्, कला, संस्कृति संरक्षण, प्रवर्द्धनलिसें श्रीवृद्धिया नितीं थःपिसं गुथिया स्थापनाकालनिसें निरन्तर कुतः याना वयाच्चंगु खँ कनादिल।

ज्याइवल्य् गुथिया सल्लाहकार बालचन्द्र श्रेष्ठ, वर्तमान सांस्कृतिक सचिव राजेन्द्र महर्जन, पुलांगु ज्यासना पुचःया दुजःपिं डा. कृष्ण कायस्थ, नरेश ताम्राकार व सबिना शाक्यपिसं नं भिंतुना देछासे थःथःगु नुगःखँ तयादीगु खः।

ज्याइवःया लिपांगु ब्वय् निवर्तमान मूख्याज्जे डा. प्रधानं गुथिया हलंज्वलंया धलः न्हूम्ह नायः श्रेष्ठयात लःल्हानादीगु खः। अथे हे निवर्तमान नायः माकःजुं पुलांगु ज्यासना पुचः व न्हूगु ज्यासना पुचःया दुजःपिं ढाका तपुलि व पलिगां न्येकाः हनेज्या यानादीगु खः। ज्याइवःलिपा गुथिया न्हूगु ज्यासना पुचःया मुँज्या प्वनाच्चंगु मिसा दुजल्य् निबेता श्रेष्ठयात मनोनित यायेगु नं क्वःछिउगु दु।

छत्रपाटी चिकित्सालयया साधारण सभा



लहना वाःपौ/ छत्रपाति निःशुल्क चिकित्सालय (अस्पताल) या साधारण सभा वंगु शनिवाः कन्यामन्दिर ब्वनेकुथिया जुल।

चिकित्सालयया अध्यक्ष डा. मनोज मान श्रेष्ठया सभापतित्वय् जूगु ज्याइवल्य् संस्थाया प्रगति विवरण चिकित्सालयया महासचिव डा. कृष्ण श्रेष्ठ न्हयब्वयादीगु खः।

थुकथं हे लेखा परीक्षण प्रतिवेदन व वडगु आर्थिक दँया बेजट कोषाध्यक्ष कृष्णप्रसाद मानन्धरं न्हयब्वयादीगु खः।

चिकित्सालयया सचिव जदिश माली लसकुस यानाः न्ह्याःगु ज्याइवल्य् उपाध्यक्ष कुमारदेव मानन्धरं चिकित्सालयय् जुयाच्चंगु विकास निर्माण लिसें थीथी गतिविधिया बारे जानकारी बियायादीगु खः।

वि.सं. २०१३ सालय् स्थानीय व त्वाःया हनेबहीपं जानाः स्वास्थ्य सेवा सुरु याःगु चिकित्सालयं थौया इलय् तक थ्यंगु अवस्थाय् सुविधायुक्त भौतिक संरचनापाखे उल्लेखनीय व्यवस्थित व सुलभ स्वास्थ्य सेवा जनतायात बियावयाच्चंगु दु।

बिचाः हायेका



बू न्हि
वि.सं. १९९२ पौष



स्व. बैकुण्ठलाल श्रेष्ठ



मदुगु न्हि
वि.सं. २०८२ माघ २

पचली भैरव भजन संचालन समाजया दुजः
भाजू बैकुण्ठलाल श्रेष्ठ

मत्यवं मदुगुलिं जिपिं पचली भैरव भजन परिवार स्तब्ध जुया।
थव दुःखया इलय् शोकं कःपिं छँजःपिके धैर्य धारण यायेगु शक्ति दयेमा धासें
मदुम्हेसिया चिर शान्तिया कामना यासें दुनुगलं बिचाः हायेका च्वना।

पचली भैरव भजन संचालन समाज

येँ मनपा १२, पचली

सहिदप्रति सम्मान गरौं

- सहिद राष्ट्रिय गौरव हुन्।
- सहिदको बलिदान र योगदानको स्मरण गरौं।
- सहिदप्रति सम्मान र समर्पण व्यक्त गरौं।
- सहिदको सपना पूरा गर्न इमान्दार नागरिकको भूमिका निर्वाह गरौं।
- देश प्रेम र एकताको भावना जागृत गराऔं।
- सामाजिक सद्भाव, सहिष्णुता र एकता कायम राखौं।

सहिदको सपना साकार गरौं,
देश विकासमा सबै नेपाली जुटौं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शूलभ स्वास्थ्य सेवा सकसिया निती, असहायया निती जक निःशुल्क"

उपलब्ध सेवा	शल्यक्रिया	बहिरङ्ग सेवा	सेमेगु सेवा
<ul style="list-style-type: none"> ● इमरजेन्सी ● प्याथोलोजी ● एक्स रे ● ई.सी.जी. ● औषधि पसल ● अन्तरंग सेवा ● सिटी स्वयाप 	<ul style="list-style-type: none"> ● मोतिबिन् ● ज्वरन हन्दी ● नाक कान घाँटी सम्बन्धि ● हाडबन्दी तथा नसा सम्बन्धि ● लिवा निरधार पिताक ननीको पत्कर सम्बन्धि 	<ul style="list-style-type: none"> ● मुटु रोग ● पेट रोग ● मुटुकोषी ● स्त्री रोग ● बाल रोग ● बयाम्बर रोग ● डल रोग ● अर्बि रोग ● ज्वरन मेडिसिन ● थर्म तथा वीर रोग ● नाक कान घाँटी रोग ● ज्वरन हन्त जक अथ ● नाइरोइड ● मधुमेह 	<ul style="list-style-type: none"> ● रेडिअ ● इन्फोर्मेसी ● कोलोपोस्कोपी ● फिजियोथेरापी ● कन्सल्टिन्ग, कन्स डक्टर र इन्से ● नुटेसिन्ग तथा डग प्रपेनसिअ ● डि.एस.डि. इन्टर ● सेमेघाम

२४ घण्टा

इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९